



Broj: 04-40-1-210/24
Sarajevo, 29.07.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 26.07.2024. do 08:30 sati 29.07.2024. godine**

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 26.07.2024. godine u 22:35 sati, od Policijske stanice Ilidža, da su u ulici Rakovička cesta br. 222., prilikom iskopavanja zemlje pronađene dvije ručne bombe.

O primljenoj informaciji obaviješteni su pripadnici Tima za UES Federalne uprave civilne zaštite, koji će pronađeno ubojno sredstvo preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 32 intervencija i to jednu veću i 31 manjih intervencija.

Veća intervencija je bila dana, 27.07.2024. godine u 15:25 sati u ulici Stara Breka br. 80., Općina Centar, gdje je požar zahvatio krov privatne kuće. Požar je lokalizovan u 15:41 sati, a likvidiran u 19:12 sati. Na intervenciji je učestvovalo 10 vatrogasaca sa tri vatrogasna vozila. Prilikom gašenja požara jedan vatrogasac je lakše povrijeđen.

Manje intervencije: šest na gašenju zapaljenog niskog rastinja, pet na gašenju zapaljenog smeća u kontejnerima, jedna na gašenju manjeg požara u cvjećari, dvije po dojavi o dimu u stanu, jedna na gašenju zapaljenog automobila, jedna tehnička intervencija na otvaranju vrata u stanu i 15 obezbjeđenja pretakanja goriva na Međunarodnom aerodromu Sarajevo.

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su 14 manjih intervencija: trit na gašenju zapaljenog niskog rastinja, tri na gašenju zapaljenog smeća u kontejnerima, jedna po dojavi o dimu u stanu, jedna na gašenju zapaljenog

automobila, jedna tehnička intervencija na otvaranju vrata u stanu i 5 obezbjeđenja pretakanja goriva na Međunarodnom aerodromu Sarajevo.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdjevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 22°C, vlažnost zraka 52%, barometarski pritisak 950,1 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a